

ট্রাম্পের জয়ে তারকাদের প্রতিক্রিয়া

রোজ অ্যাডেনিয়াম

বাংলাদেশের তারকাদের প্রতিক্রিয়া

যুক্তরাষ্ট্রের এই নির্বাচন নিয়ে বাংলাদেশের বিনোদন জগতের তারকাদেরও আত্মহের কমতি নেই। ট্রাম্পকে শুভেচ্ছা জানিয়ে ফেসবুকে পোস্ট, অভিনন্দন জানিয়ে সরব হয়েছেন অভিনয়শিল্পী, সঙ্গীতশিল্পী ও পরিচালকসহ অনেকেই।

তারিন

অভিনেত্রী ইয়াসমিন জাহান তারিন ট্রাম্পের বিজয়ের বেশ কয়েকটি ছবি পোস্ট করে লিখেছেন, ‘আমেরিকার আকাশে আজ লালের ঘনঘটা! যাহ বাবা! ওখানেও বিপ্লব হল নাকি! অভিনন্দন মি. প্রেসিডেন্ট, মার্কিন যুক্তরাষ্ট্রের ৪৭তম প্রেসিডেন্ট নির্বাচিত হওয়ার জন্য।’

বিজরী বরকতুল্লাহ

অভিনেত্রী বিজরী বরকতুল্লাহ কিছু উল্লেখ না করে লিখেছেন, ‘কমলার বনবাস’। সেখানে জয়ন্ত নামের একজন মন্তব্য করেছেন, ‘মজা নেন?’ ভক্তের উত্তরে বিজরী বরকতুল্লাহ লিখেছেন, ‘কোথায় মজা নিলাম? আমেরিকায় কে জিতল না জিতল তাতে আমাদের কিছু যাবে-আসবে না। ওদের পররাষ্ট্রনীতি একই থাকবে সব সময়। ওরা নিজেদের দেশের স্বার্থের বাইরে কিছুই দেখবে না।’

অরুণা-মুন্নী

ট্রাম্পকে অভিনন্দন জানিয়েছেন অভিনেত্রী অরুণা বিশ্বাস। দীর্ঘদিন ধরে যুক্তরাষ্ট্রে বসবাস করছেন সঙ্গীতশিল্পী দিনাত জাহান মুন্নী। তিনিও মজার ছলেই লিখেছেন, ‘ডোনাল্ড ট্রাম্পের সঙ্গে আমার একটা মিল আছে। তাই তাকে ভাল্লাগে। তার স্ত্রী মেলানিয়া ট্রাম্প মডেল। তিনি এ দেশে যে ভিসায় থাকেন, আমিও সে ভিসায় থাকি।’

শামীম শাহেদ

যুক্তরাষ্ট্রে থাকা অভিনেতা শামীম শাহেদ ‘তিনি আবার করে দেখিয়েছেন’ লেখা একটি নিউজ কার্ড পোস্ট করে লিখেছেন, ‘আমেরিকার বিরুদ্ধে যে যত কথাই বলেন না কেন, অনেক কিছু শেখার আছে তাদের কাছ থেকে!’

কমলা হ্যারিসকে হারিয়ে দ্বিতীয়বারের মতো মার্কিন প্রেসিডেন্ট হলেন ডোনাল্ড ট্রাম্প। ২০১৬ সালে ইলেকটোরাল কলেজে জয় পেলেও পপুলার ভোটে হেরেছিলেন, এবার ইলেকটোরাল-পপুলার উভয় ক্ষেত্রে এগিয়ে থেকেই রিপাবলিকান প্রার্থী হয়ে জয় পেয়েছেন তিনি। ট্রাম্পের দ্বিতীয়বার ক্ষমতায় আসার খবরে আন্তর্জাতিক অঙ্গণ আলোচনায় মুখর। তার জয়ে সারা বিশ্ব থেকেই শুভেচ্ছা বার্তা পেয়েছেন, তেমনি বিরূপ প্রতিক্রিয়াও পেয়েছেন তিনি। শুধু রাজনৈতিক ব্যক্তিত্ব নন, নানা দেশের তারকারাও শুভেচ্ছা জানিয়েছেন তাকে।

হিমু আকরাম

যুক্তরাষ্ট্রের নর্থ ক্যারোলিনায় থাকেন পরিচালক হিমু আকরাম। ডোনাল্ড ট্রাম্পকে ভোট দিয়েছেন তিনি। ভোট দিয়ে তিনি লিখেছেন, ‘আমি যুদ্ধ পছন্দ করি না। তাছাড়া আমেরিকার অর্থনীতি ঠিক করার জন্য ট্রাম্পকে প্রয়োজন।’

ইরফান সাজ্জাদ

অভিনেতা ইরফান সাজ্জাদ ডোনাল্ড ট্রাম্পের বিজয়ের পরে মজা করে এক ফেসবুক পোস্ট লিখেছেন, ‘আমেরিকানরা নারীবাদ নিয়ে সবচেয়ে বেশি কথা বলে, অথচ তারাই কখনো নারী নেতৃত্ব চায় না, কী সার্কাস।’

যুক্তরাষ্ট্রে তারকাদের প্রতিক্রিয়া

চলুন এক বলক দেখে আসা যাক কোন কোন তারকারা প্রতিক্রিয়া জানালেন ট্রাম্পের বিজয় নিয়ে।

কার্ডি বি

জনপ্রিয় র‍্যাপার কার্ডি বি। তিনি কমলা হ্যারিসের একটি নির্বাচনি সমাবেশেও হাজির হয়েছিলেন। নির্বাচনের এমন ফলাফলে চরম ক্ষোভ প্রকাশ করেছেন এই র‍্যাপার। একটি ভিডিও ইন্সটাগ্রামে শেয়ার করে ক্যাপশনে লিখেছেন, ‘আমি তোমাদের ঘৃণা করি।’ সেখানে মন্তব্যের ঘরে একজন প্রশ্ন করেন, ট্রাম্পের অভিশেষ অনুষ্ঠানে তিনি উপস্থিত হবেন কি না। জবাবে এই র‍্যাপার বলেন, ‘তোমাদের প্রতি আমি বিরক্ত। আমি সত্যিই অনেক দুঃখিত। ঈশ্বরের শপথ করে বলছি, আমি সত্যিই দুঃখিত।’

জেমি লি কার্টিস

একটি দীর্ঘ ইন্সটাগ্রাম পোস্টে অস্কারজয়ী তারকা জেমি লি কার্টিস লিখেছেন, ‘আমাদের জন্য আগামীতে আরও সীমাবদ্ধতা ও ভয়ংকর সময় অপেক্ষা করছে। কিন্তু আমাদের জেগে উঠতে হবে, লড়াই করতে হবে। শিশুদের জন্য, নারীদের জন্য, আমাদের ভবিষ্যতের জন্য লড়াই করতে হবে। অত্যাচারের বিরুদ্ধে প্রতিবাদ করতে হবে। আমেরিকান হওয়ার এটাই মানে।’

আরিয়ানা গ্রান্ডে

নন্দিত সংগীত তারকা আরিয়ানা গ্রান্ডে তার ইন্সটাগ্রাম পোস্টে লিখেছেন, ‘যারা আজকের এই

ফলাফলের অসহনীয় যন্ত্রণা সহ্য করছেন তাদের পাশে আছি।’

ভায়োলা ডেভিস

অস্কারজয়ী ভায়োলা ডেভিস কমলা হ্যারিসকে নির্বাচনে তার সাহসী এবং আমেরিকার প্রতিজ্ঞাকে ভালোবাসার জন্য ধন্যবাদ জানিয়েছেন। তিনি আরও বলেন, ‘আমি সারা জীবন তোমাকে নিয়ে গর্ব করে যাব।’

স্টিফেন কিং

লেখক স্টিফেন কিং সামাজিক যোগাযোগমাধ্যমে লিখেছেন, ‘অনেক দোকানেই আপনি এমন জিনিস দেখতে পাবেন যা দেখতে সুন্দর, ধরে রাখতে আনন্দদায়ক কিন্তু একবার সেটা ভেঙে ফেললে, তখন সেটা আর আপনার থাকে না। আপনি গণতন্ত্র সম্পর্কেও এই একই কথাটা বলতে পারেন।’

ফিলিপ পুলম্যান ও ছপি গোল্ডবার্গ

ব্রিটিশ লেখক ফিলিপ পুলম্যান শুধু এতটুকু লিখেছেন, ‘বিদায় আমেরিকা, তোমাকে জেনে ভালো লাগল।’ ‘দ্য ভিউ’তে ট্রাম্পকে নিয়ে নিজের অনুভূতি প্রকাশ করতে গিয়ে ছপি গোল্ডবার্গ বলেছেন, ‘তিনি প্রেসিডেন্ট কিন্তু এখনো আমি তার নাম বলতে চাচ্ছি না। আমি তার নাম বলতে চাইও না।’

জন কুসাক

দীর্ঘদিন অনলাইনে রাজনৈতিকভাবে স্পষ্টভাষী হিসেবে পরিচিত অভিনেতা জন কুসাক লিখেছেন, ‘আমেরিকাবাসী নিজেদের ধ্বংস করতে একজন দৌরাত্ম্যবৃত্ত ধর্ষক ও নাৎসিকে ভোট দিয়ে অদূরদর্শিতার পরিচয় দিয়েছে।’

বিলি ইলিশ

বিলি ইলিশ ইনস্টাগ্রাম পোস্টে ট্রাম্পের এই বিজয়কে ‘নারীদের বিরুদ্ধে যুদ্ধ’ বলে অভিহিত করেছেন। ‘দ্য ডক্টর লুক আপ’ পরিচালক ডেমোক্রটিকদের প্রতি শুধু হতাশাই ব্যক্ত করেছেন। বাইডেনের শেষ সময়ের শাসনামল নিয়ে নিজের অসন্তোষের কথা উল্লেখ করে এই হলিউড নির্মাতা লেখেন, ‘ডেমোক্রটিক পার্টিতে পরিত্যাগের এটাই উপযুক্ত সময়।’



লিলি রেইনহাট

ট্রাম্পের সমালোচনা করে অভিনেত্রী লিলি রেইনহাট টুইট করেছেন, 'ট্রাম্পের কাছে যৌন হেনস্থার শিকার হওয়া নারীদের কথা ভুলতে পারছি না। এক হেনস্থাকারীকে লাখ লাখ মানুষ ভোট দিচ্ছে, এটা দেখে আমার হৃদয় ভেঙে যাচ্ছে।'

এছাড়া বিজয়ের পর ট্রাম্পকে শুভেচ্ছা জানিয়েছেন জনপ্রিয় পডকাস্টার জো রগান, অভিনেতা-কমেডিয়ান রাসেল ব্র্যান্ডসহ অনেকে।

বলিউড তারকাদের প্রতিক্রিয়া

২০২৪ সালের মার্কিন প্রেসিডেন্ট নির্বাচনে রিপাবলিকান প্রার্থী মোদী ঘনিষ্ঠ ডোনাল্ড ট্রাম্প জিততেই খুশি হন অনেকেই।

পেনসিলভানিয়া, নর্থ ক্যারোলাইনা ও জর্জিয়ার মতো গুরুত্বপূর্ণ ব্যাটলগ্রাউন্ড রাজ্যগুলো দখল করে কমলা হ্যারিসকে হারিয়ে ঐতিহাসিক জয় ডোনাল্ড ট্রাম্পের। তিনি এখন যুক্তরাষ্ট্রের ৪৭তম রাষ্ট্রপতি। নির্বাচনের ফলাফল আসতে না আসতেই বেশ কয়েকজন বলিউড সেলিব্রিটিও সোশ্যাল মিডিয়ায় প্রতিক্রিয়া জানিয়েছেন ট্রাম্পকে নিয়ে।

কঙ্গনা রানাওয়াত

এলন মাস্কের সঙ্গে গেরণ্ডা বসনে ডোনাল্ড ট্রাম্পের সমাবেশের একটি এআই দিয়ে তৈরি ছবি শেয়ার করেন অভিনেত্রী-রাজনীতিবিদ কঙ্গনা রানাওয়াত। কঙ্গনা তার এক্স হ্যাণ্ডেলে মিমটি শেয়ার করে লেখেন, 'আজ ইন্টারনেটের সেরা মিম। অভিনন্দন ডোনাল্ড ট্রাম্প।' এদিকে, চলতি বছরের শুরু দিকে পেনসিলভেনিয়ার এক সমাবেশে ট্রাম্পকে হত্যা চেষ্টা করা হয়। সেই ছবি ইনস্টাগ্রামে পোস্ট করেছেন অভিনেত্রী। কঙ্গনা লেখেন, 'আমি এই সময় আমেরিকা থাকলে ট্রাম্পকেই ভোট দিতাম। গুলি লাগার পর উঠে দাঁড়িয়ে ভাষণ শেষ করেছেন যে ভাবে, এক কথায় 'টোটাল কিলার'। এদিকে, কমলা হ্যারিস এবং তার প্রচারে সেলিব্রিটিদের উপস্থিতি নিয়ে কটাক্ষ করেছেন তিনি। তিনি লেখেন, 'আপনি কি জানেন যে এই ক্লাউনরা যখন তাকে সমর্থন করেছিল তখন কমলার রেটিং মারাত্মকভাবে ব্রাস পেয়েছিল, লোকেরা ভেবেছিল যে তিনি এই জাতীয় লোকদের সঙ্গে যুরে বেড়ানোর জন্যই (রাষ্ট্রপতি হিসাবে) তুচ্ছ, চঞ্চল এবং অবিশ্বস্ত'।

অমিতাভ বচ্চন

ডোনাল্ড ট্রাম্পের কাছে কমলা হ্যারিসের পরাজয়ের প্রতিক্রিয়া জানান বিগবিও। হিন্দিতে তিনি লেখেন, 'হেরে গেলে কী হবে? আমরা জয়ের জন্য আমাদের লক্ষ্য নির্ধারণ করেছি!! আমরা যদি জিততে থাকতাম তাহলে কীভাবে আমরা আমাদের লক্ষ্য স্থির করতে পারতাম!!'

বিবেক রঞ্জন অগ্নিহোত্রী

কাশ্মীর ফাইলসের পরিচালক বিবেক রঞ্জন অগ্নিহোত্রী টুইটে লিখেছেন, 'ভারতীয় প্রেক্ষাপটে আমি ডানপন্থী, কিন্তু যারা গর্ভপাতের অধিকারের বিরোধিতা করে এবং বন্ডুককে সমর্থন করে তাদের আমি কখনই সমর্থন করতে পারি না। বাকি সব ঠিকঠাক আছে'।

হংসল মেহতা

এদিকে 'সিমরান' ছবিতে কঙ্গনার সঙ্গে কাজ করা পরিচালক হানসল মেহতার প্রতিক্রিয়া যেন অন্যরকম। তিনি পরিচালক আলি আব্বাসির একটি টুইট পুনরায় পোস্ট করেছেন এবং বলেছেন, 'ফ্যাসিস্ট উইথ এ ক্যাপিটাল এফ।' এটি এমন রিয়েল ডোনাল্ডট্রাম্প যার নামটি একসময় সঠিকভাবে 'ডোল্যান্ড' হিসেবে উচ্চারণ করা হয়েছিল। ট্রাম্পের পক্ষে জয়ের ইস্তিত দেওয়ার সঙ্গে সঙ্গে তিনি টুইট করেন, 'হ্যারিসের জন্য খেলা শেষ?' 🇺🇸